



نارنج وادستان

جلد ۶ ۱۳۳۶

مجموعه

برکون بیلنیر فیستی مجموعه مک اما
پاک چوق آرانیرا ورته ده مجموعه بولمنز

ایتدک شرف خدمت احداثی فراموش
آمارینه اسلافزک رغبت اولنیز

اوقاف هایون نظارتی

اوقاف هایون نظارتی شوصوك زمانلرده آلمش اولدینی اهمیت نسبتندم محتاج اصلاح وتنظیم اولدینی حالده سنین وفیره دنبری یادیتکر برنظارتیه علاوه صورتیله وکالتله اداره اولمش ویا باشلیجه برناظر تعیین اولسه بیله بر ایکی آی ایچنده قایینه سنک سقوط بیله برابر سقوط ایدرک یرینه کلن دیگر ناظرده برقاج هفته ایچنده عین حاله اوغبرامشدر .

هله باشلیجه برناظر تعیین اولنمیوب موهوم وکالتلرله اداره ایدلمسندن طولایی اوقاف اداره سنک حال پریشانی ناقابل تعریف بر حاله کلدیکنی صدراسبق علی رضا پاشا حضرت تلرینه ایکی دفعه رسماً عرض ایلدیکم کبی ۲۰، ۲۱، ۲۲، ۲۳ نومرولی نسخه لرده متأثرانه ومتأسفانه بر صورتده بسط مقالات ایلدم. لکن مع التأسف هرناصله برناظر تعیین اولنمیدی .

نهایت ۲۷ شباط ۱۳۳۶ تاریخی بر عریضه مله مذکور مجموعه نسخه لرینک لقیله مجلس مبعوثانه ده مراجعت ایتدم. کرچه اورادن دخی بر صدا استماع اولنماش ایسه ده بر هفته صکرده بر دنبره صدراعظم علی رضا پاشا حضرت تلرینک سقوط بیله مقام صدارته صالح پاشا حضرت تلری کله رک اوقاف هایون نظارت جلیله سنده شیخ الاسلام اسبق احمد خلوصی افندی حضرت تلری تعیین بیورلمشدی .

اون بش کون قدر صکرده صالح پاشا حضرت تلرینک ده سقوط بیله موقع صدارت عظمایه داماد حضرت خلافتناهی فرید پاشا حضرت تلری تشریف بیوردیلر . اوقاف هایون نظارت جلیله سنی وکالت ویا علاوات ایله اداره ایتمیوب نظارت مذکورده نی حائر اولدینی اهمیت نسبتندم نظر فحامتپناهیلرینه آله رق ارکان حرب فریقان کرامندن عثمان رفعت پاشا حضرت تلری تعیین بیورلدی . ناظر مشارالیه حضرت تلرینک حال وزمانک مساعد اولدینی درجه ده بر جدیتله وظیفه نظیفه لرینه چالیشمقدم اولدقلربی حقیقه شایان تقدیر وشکران کوردم .

کرچه، مقدمامقام صدارته واقع اولان مراجعات و مجموعه عاجزانه مله اجرا ایلدیکم اخطارات انشاءالله تعالی آرتق نتیجه حسنه سی بولش دیمک ایسه دد اکمال تمات اولق اوزره اخیر آفسخ اولنان مجلس مبعوثانه تقدیم ایلدیکم عریضه صورتی تاریخی برویقه اولق حسیله مجموعه یه درج ایله انظار عامه یه وضع واره نی مناسب کوردم :

..

مجلس مبعوثان برنجی ریاست جلیله سنه

مرآی غایه سنده نشر ایتکده اولدیم (عثمانلی تاریخ و ادبیات مجموعه سی) نك ۱۹ نجی نسخه سندن بوکرم انتشار ایدن ۲۴ نجیسنه قدر آلتی عدد اوله رق منظور معالی نشور ریاستپناهیلری بیورلق اوزره پوسته یه تودیعاً عرض و تقدیم ایلدم. بالخاصه بونسخه لری کوندر مکدن مقصد ، ۱۹ نجی نومروده خلفای معظمه عثمانیه نك والده جهتندن آل هاشم و قریشه منسوب بولندقلری حقنده کی ایضاحاتی جامع بولمق و اوندن صکره کی نسخه لرده ایسه جهانک موجب تقدیر و حرمتی بولنان مبائی عظیمه و مقدسه اوقافک هر قسم پریشانیسی حقنده روا کوریلان احوال فلاکت اشمالی بالتعداد تا اوزماندنبری صدر اعظم پاشا افدمنر حضرتلربنه تقدیم ایلدیکم حیتمندانه و متأثرانه هر یضه لری و یوروتدیکم اسف انکیز مطالعاتی محتوی بولمق حسیله در .

قاینه نك ابتدای تشکلندن بری هر نظارته برناظر تعین بیورلمش ایکن محتاج تقویه اولان اوقاف نظارتنک و کالتله اداره سی حقنده کی حکمت اکلاشیه مامش و کرچه شیخ الاسلام افندی حضرتلرینک نظارتی آلتنده - دفتر خاقانی امانتنک مالیه نظارت جلیله سنه اولان رابطه سی قیلندن - بر اوقاف اماتی و یا مدیریتی ، تشکیلی متصور بولندیغنی و مجلس و کلاجه قرار و یریلرک نهایت برایکی جلسه ده مطالعه لری